



СИРОЖИДДИН САЙИД

АРМИЯ ВА ТАРБИЯ



Сирожиддин САЙИД

АРМИЯ ВА ТАРБИЯ

Шеърлар



“O‘ZBEKISTON”
ТОШКЕНТ – 2025

Бугунги ниҳоятда мураккаб ва таҳликали давр олдимизга янги-янги синов ва муаммоларни кўндаланг қилиб қўймоқда. Аммо ҳаёт қанчалик машаққатли бўлмасин, мамлакатимизда демократик ислохотларни изчил давом эттириб, халқимизни рози қилишга, тинчлик ва барқарорликни мустаҳкамлашга бор куч ва имкониятларимизни сафарбар этамиз.

Қуrollи Кучларимизни замонавий қуroll-яроғ ва техника билан таъминлаш, уларнинг жанговар ва маънавий салоҳиятини оширишга бундан буён ҳам улкан эътибор қаратамиз.

Лекин тинчликни сақлаш фақат ҳарбийларимизнинг иши бўлиб қолмаслиги керак. Бу барчамизнинг, ҳар бир Ўзбекистон фуқаросининг муқаддас бурчи бўлиши шарт.

Юртнинг кучи – бирликда, қадри эса тинчликдадир!

Шавкат МИРЗИЁЕВ,
Ўзбекистон Республикаси Президенти,
Қуrollи Кучлар Олий Бош Қўмондони

АРМИЯ ВА ТАРБИЯ

Янги Ўзбекистоннинг миллий армиясида
Шоирлар ҳам сафдошдир таълим-тарбиясида.

Яъни ҳар бир ижодкор, ҳар ёзувчи ё адиб –
Сардор бўлмоғи керак билимдон ва ботартиб.

Ҳар жанговар аскарнинг биз ҳам тенг-тўшларимиз,
Қалам-ла қуrollланган қуrollли кучларимиз.

Ким Темурхон бобонинг қудратини билмаган?
Бобо орзу қилган, лек ҳаёлига келмаган:

Кимки шубҳа қилгайдир доврўғи, камолига –
“Темурбеклар мактаби” жавобдир саволига.

Инчунин ҳар бир зобит, ҳар сипоҳ, ҳар байроқдор,
Кечган шонли жанглардан бўлмоғи шарт хабардор.

Миллат хоки пойларин тавоф қилса арзийди,
“Зафарнома” яратмиш мавлоно Али Яздий.

Давлати пойдорликнинг мангу гувоҳномаси –
“Зафарнома” эмас, бу – буюк халқ шоҳномаси.

Ўпгил, эй Европа сен, бармоқ, узукларидан,
Ҳануз сабоқ олгайсан “Темур тузуклари”дан.

Бутун олам аҳлига ҳарбий номамдир менинг,
Жанғномам, курашномам – “Бобурнома”мдир менинг.

Ватан – жон ва тандадир, жон Ватан – жон ва тандир,
Ватанпарвар инсонлар жон чекиб, жон тиккандир.

“Иёлу Ватан узра то жони бор, – деб айтган,
Киши ҳарб этар токи имкони бор”, деб айтган,

Навоий бобомиздан тимсол келтирсам агар,
Неча минг кўнгилларни уйғотмоғи муқаррар.

Ҳар шоир, ҳар аскарга қатъият, шиддат керак,
Азму шижоат керак, илму маърифат керак.

Бунда ҳар он асқотар ақлу фаҳму фаросат,
Дунёвий билимлар ҳам матонат ва садоқат.

Бу қандай дилбар диёр, дил диёр, дилдор диёр,
Аскарлари ҳам бедор, шоирлари ҳам бедор.

Аммо олам авзойи – кеча-кундуз талотум,
Боисин айтолмагай бирор Алп ё Афлотун.

Фитрат домла айтгандай: Дунё – кураш майдони,
Бир томони тошқинлар, ёнғиндир бир томони.

Дунёнинг дунёликка қолмагандай ҳоли ҳам,
Қирғинбарот урушлар давом этар ҳали ҳам.

Ўттиз етти миллён халқ, ўттиз етти миллён қалб,
Қалбим, сен ҳам шу сафда ҳушёр бўлгил, уйғон, қалқ!

Токи хавфу хатар бор, шудир темир тарбия:
Ҳар биримиз – посбонмиз, ҳар биримиз – армия.

Халқу Ватан ташвиши – барчанинг тенг ишидир,
Бугун ҳар безовта қалб – хавфсизлик кенгашидир.

Шу боисдан тинчлигу тинч осмонингга шараф,
Биз эзгулик тарафмиз, бизлар халқимиз тараф.

Менинг ҳам кўксим тўла ғурур билан ифтихор:
Ўзбек армияси бор! Ўзбек халқи ҳам пойдор.

Ўйласам шул Ватанни – жимирлар кўнгилларим,
Эй, менинг сарбозларим! Менинг генералларим!

Шонли, шавкатли диёр, шу сафда мен ҳам борман,
Не бахтким, саодату бахтингга дахлдорман.

Дунёда Ватан танҳо, халқу миллат ягона,
Миллат бедор бўлса гар, тинч бўлгайдир замона.

Ўттиз етти миллён халқ, яна шунча дил, юрак,
Ҳушёр яшамоқ керак! Ҳушёр яшамоқ керак!

Миллён-миллён бешикда – чақалоқлар лашкари,
Тамшаниб ўсмоқдадир – келажакнинг аскари.

Лашкар беҳатар бўлмас, айтиб кетган боболар,
Оналар дуо айлар, дуо айлар момолар.

Она юрт, ота макон, мен ҳам бир аскарингман,
Ўйғоқ қаламим бирлан хизматкор навкарингман.

Англадимки: дунёда на жон, на тан абадий,
Фақат Ватан абадий, фақат Ватан абадий.

Менинг ҳам ҳар бир шеърим – ҳаёту мамотимдир,
Олий Бош қўмондонга ичган қасамёдимдир.

19.01.2025 й.

ВАТАН ПОСБОНЛАРИГА

Улуғ миллатга ўғлон, посбонлар,
Элу юрт тинчи, қўрғон, посбонлар.

Улуғ ишдир Ватанни асрамоқлик,
Ватан кўз бўлса – мижгон, посбонлар.

Темурхон наслидирсиз, сизга мерос
Азалдин шу томир, қон, посбонлар.

Матонат – ору номус ҳам ғурурдир,
Бу – оқ сут бирла ҳам жон, посбонлар.

Бу мардлик ибратинким, сизга бермиш
Ки, Олий Бош қўмондон, посбонлар.

Ватан номи билан айлаб қасамёд,
Турибсиз марди майдон, посбонлар.

Жаҳон холи эмас хавфу хатардин,
Диёру ёрга қалқон, посбонлар.

Тўкиб юлдузларини елкангизга,
Эгилсин сизга осмон, посбонлар.

Қўқаргай ҳурлигу тинчлик билан эл,
Замону давру даврон, посбонлар.

ЖОНИМ ВАТАН

*(Сирожиддин Сидқий Хондайлиқий
газалига тазмин-мухаммас)*

Ватан менинг ярқираган кўрғон ерим,
Ою офтоб мангу кўрғон курғон ерим.
Эсдан чиқар бошқа ҳамма кўрғон ерим,
Ватан менинг туққон ерим, турғон ерим,
Униб-ўсиб, ўйнаб-кулиб юрғон ерим.

Инсонийлик деган қадим зироатлар,
Орият ҳам ориятга риоятлар,
Шунда унган, айтсин кўҳна ривоятлар,
Етмиш пуштим тиклаб кетган иморатлар,
Тарбиятнинг биносини қурғон ерим.

Онамсан деб, изларингни кўзга суртсам,
Болам десанг, сувларингдай мавжлар урсам,
Тоғларингдай баланд-баланд ўйлар сурсам,
Қайда бўлсам, қайда турсам, қайда юрсам,
Мангу ўйнар кўзда жавлон юрғон ерим.

Жаҳон кезар жамолингга қуёш тўймай,
Майсанг бўлиб сенинг учун нечун куймай?

Дилимдан ҳам, тилимдан ҳам номинг қўймай,
Жоним бирлан, таним бирлан нега суймай,
Роҳат яшаб, соғлом яшаб юрғон ерим.

Кафтларимни очиб оқшом ҳилолингга,
Юзга суртгум камол истаб камолингга,
Дахлдорман элинг – нони ҳалолингга,
Таъзим айлаб заҳмат чеккан чумолингга,
Саждагоҳим, саждага бош урғон ерим.

Беҳишларга опа-сингил фаслларинг,
Бўй талашиб ўсган янги наслларинг,
Бунча ширин, бунча дилбар васлларинг,
Улуғларинг асрларга қасрларинг,
Қасрлари асрларни кўрғон ерим.

Боболардан мерос меҳру шафқатимсан,
Қатлам-қатлам илму ҳадис, ҳикматимсан,
Матонатдан бино бўлган давлатимсан,
Фуруримсан, орим, шаъну шавкатимсан,
Дунё юзин шараф-шонга бурғон ерим.

Буғдой бошоғидай унган сўзим – Ватан,
Кимман ахир сенсиз мен бир ўзим, Ватан?
Олам аро менинг ёруғ юзим Ватан,
Жоним Ватан, таним Ватан, кўзим Ватан,
Даврон кўриб, давру даврон сурғон ерим.

ЎЗ БОЛАНГНИ ЎЗИНГ АСРА

Ўз уйинг – ўлан тўшагинг,
Бўстонинг бор, чаманинг бор.
Асрлар келар яшагинг,
Боқиб тўймас Ватанинг бор.
Ота-бобонг хоки шунда,
Номус-оринг боқий шунда.
Тоғу тошинг, еру сувинг,
Шалолангни ўзинг асра.
Ўй уйингни асра ўзинг,
Ўз болангни ўзинг асра.

Янги давру янги замон
Ўз-ўзидан замон бўлмас,
Раҳнамо то йўл кўрсатгай
Эл-юрт ҳоли ёмон бўлмас.
Бу дунёда қолар изинг –
Қанду новвот ўғил-қизинг.
Ўз уйингдай, ўз юртингдай –
Кўз қорангни ўзинг асра.
Дилпоранг ҳам жигарбандинг,
Ўз болангни ўзинг асра.

Олам – ёнғин, олам – тутун,
Борми бирор бағри бутун?..
Ироқдан то Шому Қатар
Ёйилмиш бир хавфу хатар.
Ўзинг бунёд этиб келдинг,
Ўзинг барбод этиб келдинг,
Қурол-яроғ дунёсида
Гуллолангни ўзинг асра.
Асраб бермас сен-чун биров,
Ўз болангни ўзинг асра.

У бир кўчат, бир навнихол,
Эгилгай сал эсса шамол.
Жаҳолат куч шайлаб турар,
Шу болангни пойлаб турар.
Унга китоб-дафтар бергил,
Бир қўлига каптар бергил.
Қанча орзу-ҳавас, умид..
Бўлмайдесанг юзим шувит.
Мисли қошу кўзинг асра,
Ўз болангни ўзинг асра.

Ватан севмоқ – иймон асли,
Диёнатдир, диёнатдир.
Бир нобакор зурёдинг лек
Шу Ватанга хиёнатдир.
Тўғри фарзанд ўстирмоқ ҳам
Жасоратдир, матонатдир.

Болангдан бир ўғлон ўстир,
Иймон ўстир, ирфон ўстир,
Ҳеч қандай куч емиролмас
Қўрғон ўстир, қўрғон ўстир.
Термизийлар тупроғи шу,
Бухорийлар урпоғи шу –
Ер юзига ҳикмат эккан
Сулолангни ўзинг асра.
Ўз болангни ўзинг асра!
Ўз болангни ўзинг асра!

ВАТАН АБАДИЙ

Баҳрайн сувларига чайдим юзимни,
Насимлар эсдилар илиқ, арабий.
Бир осмон тўлдириб келди кўксимни,
Ватан қолар экан, Ватан абадий.

Не зотлар ўтдилар Ватандин айро,
Севинчи савдою соғинчи саҳро.
Кўксимни тўлдириб келди бир дарё,
Ватан қолар экан, Ватан абадий.

Бобо қирлардаги бир хас ё тикан,
Шу ҳам кимларгадир зўр армон экан.
Кўп экан зар тоғиб, зор бўлиб юрган,
Ватан қолар экан, Ватан абадий.

Ким ахир бу даҳри дундан ўтмагай?
Ким ахир бир куни асо тутмагай?
Тандан жон кетар, лек Ватан кетмагай,
Ватан қолар экан, Ватан абадий.

Ҳар тепа, ҳар дўнглик турбат эмасдир,
Ҳар қандай айрилиқ гурбат эмасдир.

Юртдан кетган ҳар зот Фурқат эмасдир,
Ватан қолар экан, Ватан абадий.

Олмон тупроғида бир немис аёл,
Кўзда ёш, ўзбекча айлади савол.
Халқим, нону тузинг ҳамиша ҳалол,
Ватан қолар экан, Ватан абадий.

Ҳар кекса, ҳар ёшнинг заҳматларида,
Азим чинорларнинг ҳикматларида,
Ҳазрат Яссавийнинг хилқатларида
Ватан қолар экан, Ватан абадий.

Айб эмас аввалий ва ё сониймиз,
Агарчи инсонмиз вале фониймиз.
Барчамиз ушбу кун Туркистониймиз,
Ватан қолар экан, Ватан абадий.

Аста барг тўкмоқда зарҳал оғочлар,
Умр гўё тўлар божу хирожлар.
Келиб кетар экан қанча Сирожлар,
Ватан қолар экан, Ватан абадий.

ВАТАН УЧУН. МИЛЛАТ УЧУН. ХАЛҚ УЧУН

Бу дунёда кураш кетар туну кун,
Ҳар қарич онг, ҳар бир қарич қалб учун.
Уйғон болам, энг бебаҳо бахт учун –
Ватан учун, миллат учун, халқ учун.

Жаҳолатнинг байроғи ҳам қорадир,
Инсон яшар ёруғлик барҳақ учун.
Ҳар ўғил-қиз, билсанг, жигарпорадир –
Ватан учун, миллат учун, халқ учун.

Ошу нон деб ном сотганлар, аё, сиз,
Ўйламангким рўзғорлари талх учун,
Кураш кетар тинимсиз ва аёвсиз –
Ватан учун, миллат учун, халқ учун.

Разолат тинч турмас ахир ҳеч қачон,
Отлангандай ҳар тонг ҳарбу зарб учун,
Ҳушёр бўлгил, бедор бўлгил, болажон –
Ватан учун, миллат учун, халқ учун.

Sirojiddin SAYYID

Боболаринг хокин бориб суриштир,
Туғларию туғроларин кўр кучин:
Умрлари бошдан оёқ курашдир –
Ватан учун, миллат учун, халқ учун.

Маърифатдан нажот изла, иста ком,
Ўқиган ҳар бир китобинг бир устун,
Бир қўрғондир, мустаҳкам бир истехком –
Ватан учун, миллат учун, халқ учун.

Давр сендан шиддат кутар, жадал қил,
Ёш жонингга шунча таҳдид, хавф учун,
Умрингнинг ҳар онин жангу жадал бил –
Ватан учун, миллат учун, халқ учун.

Шу миллатнинг кўрки сенсан, нақши сен,
Жисму жонинг сафарбар эт, қалқ бутун.
Ёвузликка ўзинг тургил қарши сен –
Ватан учун, миллат учун, халқ учун.

Элнинг шаъну шавкати ҳам зиёси
Сўнмас асло то бор экан бу очун.
То уйғоқдир ҳар бир кўзи қароси –
Ватан учун, миллат учун, халқ учун!

ARMIYA VA TARBIYA

She'rlar



Bugungi nihoyatda murakkab va tahlikali davr ol-
dimizga yangi-yangi sinov va muammolarni ko'ndalang
qilib qo'ymoqda. Ammo hayot qanchalik mashaqqatli
bo'lmasin, mamlakatimizda demokratik islohotlarni
izchil davom ettirib, xalqimizni rozi qilishga, tinchlik va
barqarorlikni mustahkamlashga bor kuch va imkoni-
yatlarimizni safarbar etamiz.

Qurolli Kuchlarimizni zamonaviy qurol-yarog' va
texnika bilan ta'minlash, ularning jangovar va ma'naviy
salohiyatini oshirishga bundan buyon ham ulkan e'ti-
bor qaratamiz.

Lekin tinchlikni saqlash faqat harbiylarimizning
ishi bo'lib qolmasligi kerak. Bu barchamizning, har
bir O'zbekiston fuqarosining muqaddas burchi bo'lishi
shart.

Yurtning kuchi – birlikda, qadri esa tinchlikdadir!

**Shavkat MIRZIYOYEV,
O'zbekiston Respublikasi Prezidenti,
Qurolli Kuchlar Oliy Bosh Qo'mondoni**

ARMIYA VA TARBIYA

Yangi O'zbekistonning milliy armiyasida
Shoirlar ham safdoshdir ta'lim-tarbiyasida.

Ya'ni har bir ijodkor, har yozuvchi yo adib –
Sardor bo'lmog'i kerak bilimdon va botartib.

Har jangovar askarning biz ham teng-to'shlarimiz,
Qalam-la qurollangan qurolli kuchlarimiz.

Kim Temurxon boboning qudratini bilmagan?
Bobo orzu qilgan, lek xayoliga kelmagan:

Kimki shubha qilgaydir dovrug'i, kamoliga –
“Temurbeklar maktabi” javobdir savoliga.

Inchunin har bir zobit, har sipoh, har bayroqdor,
Kechgan shonli janglardan bo'lmog'i shart xabardor.

Millat xoki poylarin tavof qilsa arziydi,
“Zafarnoma” yaratmish mavlono Ali Yazdiy.

Davlati poydorlikning mangu guvohnomasi –
“Zafarnoma” emas, bu – buyuk xalq shohnomasi.

O'pgil, ey Yevropa sen, barmoq, uzuklaridan,
Hanuz saboq olgaysan "Temur tuzuklari"dan.

Butun olam ahliga harbiy nomamdir mening,
Jangnomam, kurashnomam – "Boburnoma"mdir mening.

Vatan – jon va tandadir, jon Vatan – jon va tandir,
Vatanparvar insonlar jon chekib, jon tikkandir.

"Yolu Vatan uzra to joni bor, – deb aytgan,
Kishi harb etar toki imkoni bor", deb aytgan,

Navoiy bobomizdan timsol keltirsam agar,
Necha ming ko'ngillarni uyg'otmog'i muqarrar.

Har shoir, har askarga qat'iyat, shiddat kerak,
Azm-u shijoat kerak, ilm-u ma'rifat kerak.

Bunda har on asqotar aql-u fahm-u farosat,
Dunyoviy bilimlar ham matonat va sadoqat.

Bu qanday dilbar diyor, dil diyor, dildor diyor,
Askarlari ham bedor, shoirlari ham bedor.

Ammo olam avzoyi – kecha-kunduz talotum,
Boisin aytolmagay biror Alp yo Aflotun.

Fitrat domla aytganday: Dunyo – kurash maydoni,
Bir tomoni toshqinlar, yong'indir bir tomoni.

Dunyoning dunyolikka qolmaganday holi ham,
Qirg'inbarot urushlar davom etar hali ham.

O'ttiz yetti millyon xalq, o'ttiz yetti millyon qalb,
Qalbim, sen ham shu safda hushyor bo'lgil, uyg'on, qalq!

Toki xavf-u xatar bor, shudir temir tarbiya:
Har birimiz – posbonmiz, har birimiz – armiya.

Xalq-u Vatan tashvishi – barchaning teng ishidir,
Bugun har bezovta qalb – xavfsizlik kengashidir.

Shu boisdan tinchlig-u tinch osmoningga sharaf,
Biz ezgulik tarafmiz, bizlar xalqimiz taraf.

Mening ham ko'ksim to'la g'urur bilan iftixor:
O'zbek armiyasi bor! O'zbek xalqi ham poydor.

O'ylasam shul Vatanni – jimirlar ko'ngillarim,
Ey, mening sarbozlarim! Mening generallarim!

Shonli, shavkatli diyor, shu safda men ham borman,
Ne baxtkim, saodat-u baxtingga daxldorman.

Dunyoda Vatan tanho, xalq-u millat yagona,
Millat bedor bo'lsa gar, tinch bo'lgaydir zamona.

O'ttiz yetti millyon xalq, yana shuncha dil, yurak,
Hushyor yashamoq kerak! Hushyor yashamoq kerak!

Millyon-millyon beshikda – chaqaloqlar lashkari,
Tamshanib o'smoqdadir – kelajakning askari.

Lashkar bexatar bo'lmas, aytib ketgan bobolar,
Onalar duo aylar, duo aylar momolar.

Ona yurt, ota makon, men ham bir askaringman,
Uyg'oq qalamim birlan xizmatkor navkaringman.

Angladimki: dunyoda na jon, na tan abadiy,
Faqat Vatan abadiy, faqat Vatan abadiy.

Mening ham har bir she'rim – hayot-u mamotimdir,
Oliy Bosh qo'mondonga ichgan qasamyodimdir.

19.01.2025-y.

VATAN POSBONLARIGA

Ulug' millatga o'g'lon, posbonlar,
El-u yurt tinchi, qo'rg'on, posbonlar.

Ulug' ishdir Vatanni asramoqlik,
Vatan ko'z bo'lsa – mijgon, posbonlar.

Temurxon naslidirsiz, sizga meros
Azaldin shu tomir, qon, posbonlar.

Matonat – or-u nomus ham g'ururdir,
Bu – oq sut birla ham jon, posbonlar.

Bu mardlik ibratinkim, sizga bermish
Ki, Oliy Bosh qo'mondon, posbonlar.

Vatan nomi bilan aylab qasamyod,
Turibsiz mardi maydon, posbonlar.

Jahon xoli emas xavf-u xatardin,
Diyor-u yorga qalqon, posbonlar.

To'kib yulduzlarini yelkangizga,
Egilsin sizga osmon, posbonlar.

Ko'kargay hurlik-u tinchlik bilan el,
Zamon-u davr-u davron, posbonlar.

JONIM VATAN

*(Sirojiddin Sidqiy Xondayliqiy
g'azaliga tazmin-muxammas)*

Vatan mening yarqiragan qo'rg'on yerim,
Oy-u oftob mangu qo'rg'on qurg'on yerim.
Esdan chiqar boshqa hamma ko'rg'on yerim,
Vatan mening tuqqon yerim, turg'on yerim,
Unib-o'sib, o'ynab-kulib yurg'on yerim.

Insoniylik degan qadim ziroatlar,
Oriyat ham oriyatga rioyatlar,
Shunda ungan, aytsin ko'hna rivoyatlar,
Yetmish pushtim tiklab ketgan imoratlar,
Tarbiyatning binosini qurg'on yerim.

Onamsan deb, izlaringni ko'zga surtsam,
Bolam desang, suvlaringday mavjlar ursam,
Tog'laringday baland-baland o'ylar sursam,
Qayda bo'lsam, qayda tursam, qayda yursam,
Mangu o'ynar ko'zda javlon urg'on yerim.

Jahon kezar jamolingga quyosh to'ymay,
Maysang bo'lib sening uchun nechun kuymay?
Dilimdan ham, tilimdan ham noming qo'ymay,
Jonim birlan, tanim birlan nega suymay,
Rohat yashab, sog'lom yashab yurg'on yerim.

Kaftlarimni ochib oqshom hilolingga,
Yuzga surtgum kamol istab kamolingga,
Daxldorman eling – noni halolingga,
Ta'zim aylab zahmat chekkan chumolingga,
Sajdagohim, sajdaga bosh urg'on yerim.

Behishtlarga opa-singil fasllaring,
Bo'y talashib o'sgan yangi nasllaring,
Buncha shirin, buncha dilbar vasllaring,
Ulug'laring asrlarga qasrlaring,
Qasrlari asrlarni ko'rg'on yerim.

Bobolardan meros mehr-u shafqatimsan,
Qatlam-qatlam ilm-u hadis, hikmatimsan,
Matonatdan bino bo'lgan davlatimsan,
G'ururimsan, orim, sha'n-u shavkatimsan,
Dunyo yuzin sharaf-shonga burg'on yerim.

Bug'doy boshog'iday ungan so'zim – Vatan,
Kimman axir sensiz men bir o'zim, Vatan?
Olam aro mening yorug' yuzim Vatan,
Jonim Vatan, tanim Vatan, ko'zim Vatan,
Davron ko'rib, davr-u davron surg'on yerim.

O'Z BOLANGNI O'ZING ASRA

O'z uying – o'lan to'shaging,
 Bo'stoning bor, chamaning bor.
 Asrlar kelar yashaging,
 Boqib to'ymas Vataning bor.
 Ota-bobong xoki shunda,
 Nomus-oring boqiy shunda.
 Tog'-u toshing, yer-u suving,
 Shalolangni o'zing asra.
 O'y uyingni asra o'zing,
 O'z bolangni o'zing asra.

Yangi davr-u yangi zamon
 O'z-o'zidan zamon bo'lmas,
 Rahnamo to yo'l ko'rsatgay
 El-yurt holi yomon bo'lmas.
 Bu dunyoda qolar izing –
 Qand-u novvot o'g'il-qizing.
 O'z uyingday, o'z yurtingday –
 Ko'z qorangni o'zing asra.
 Dilporang ham jigarbanding,
 O'z bolangni o'zing asra.

Olam – yong'in, olam – tutun,
 Bormi biror bag'ri butun?..
 Iroqdan to Shom-u Qatar
 Yoyilmish bir xavf-u xatar.
 O'zing bunyod etib kelding,
 O'zing barbod etib kelding,
 Qurol-yarog' dunyosida

Gullolangni o'zing asra.
 Asrab bermas sen-chun birov,
 O'z bolangni o'zing asra.

U bir ko'chat, bir navnihol,
 Egilgay sal essa shamol.
 Jaholat kuch shaylab turar,
 Shu bolangni poylab turar.
 Unga kitob-daftar bergil,
 Bir qo'liga kaptar bergil.
 Qancha orzu-havas, umid...
 Bo'lmay desang yuzim shuvit.
 Misli qosh-u ko'zing asra,
 O'z bolangni o'zing asra.

Vatan sevmog' – iymon asli,
 Diyonatdir, diyonatdir.
 Bir nobakor zuryoding lek
 Shu Vatanga xiyonatdir.
 To'g'ri farzand o'stirmog' ham
 Jasoratdir, matonatdir.
 Bolangdan bir o'g'lon o'stir,
 Iymon o'stir, irfon o'stir,
 Hech qanday kuch yemirolmas
 Qo'rg'on o'stir, qo'rg'on o'stir.
 Termiziylar tuprog'i shu,
 Buxoriylar urpog'i shu –
 Yer yuziga hikmat ekkan
 Sulolangni o'zing asra.
 O'z bolangni o'zing asra!
 O'z bolangni o'zing asra!

VATAN ABADIY

Bahrayn suvlariga chaydim yuzimni,
Nasimlar esdilar iliq, arabiy.
Bir osmon to'ldirib keldi ko'ksimni,
Vatan qolar ekan, Vatan abadiy.

Ne zotlar o'tdilar Vatandin ayro,
Sevinchi savdo-yu sog'inchi sahiro.
Ko'ksimni to'ldirib keldi bir daryo,
Vatan qolar ekan, Vatan abadiy.

Bobo qirlardagi bir xas yo tikan,
Shu ham kimlargadir zo'r armon ekan.
Ko'p ekan zar topib, zor bo'lib yurgan,
Vatan qolar ekan, Vatan abadiy.

Kim axir bu dahri dundan o'tmagay?
Kim axir bir kuni aso tutmagay?
Tandan jon ketar, lek Vatan ketmagay,
Vatan qolar ekan, Vatan abadiy.

Har tepa, har do'nglik turbat emasdir,
Har qanday ayriliq g'urbat emasdir.
Yurtdan ketgan har zot Furqat emasdir,
Vatan qolar ekan, Vatan abadiy.

Olmon tuprog'ida bir nemis ayol,
Ko'zda yosh, o'zbekcha ayladi savol.
Xalqim, non-u tuzing hamisha halol,
Vatan qolar ekan, Vatan abadiy.

Har kekxa, har yoshning zahmatlarida,
Azim chinorlarning hikmatlarida,
Hazrat Yassaviyning xilqatlarida
Vatan qolar ekan, Vatan abadiy.

Ayb emas avvaliy va yo soniymiz,
Agarchi insonmiz vale foniymiz.
Barchamiz ushbu kun Turkistoniymiz,
Vatan qolar ekan, Vatan abadiy.

Asta barg to'kmoqda zarhal og'ochlar,
Umr go'yo to'lar boj-u xirojlar.
Kelib ketar ekan qancha Sirojlar,
Vatan qolar ekan, Vatan abadiy.

**VATAN UCHUN.
MILLAT UCHUN. XALQ UCHUN**

Bu dunyoda kurash ketar tun-u kun,
Har qarich ong, har bir qarich qalb uchun.
Uyg'on bolam, eng bebaho baxt uchun –
Vatan uchun, millat uchun, xalq uchun.

Jaholatning bayrog'i ham qoradir,
Inson yashar yorug'lik barhaq uchun.
Har o'g'il-qiz, bilsang, jigarporadir –
Vatan uchun, millat uchun, xalq uchun.

Osh-u non deb nom sotganlar, ayo, siz,
O'ylamangkim ro'zg'orlari talx uchun,
Kurash ketar tinimsiz va ayovsiz –
Vatan uchun, millat uchun, xalq uchun.

Razolat tinch turmas axir hech qachon,
Otlanganday har tong harb-u zarb uchun,
Hushyor bo'lgil, bedor bo'lgil, bolajon –
Vatan uchun, millat uchun, xalq uchun.

Bobolaring xokin borib surishtir,
Tug'lari-yu tug'rolarin ko'r kuchin:
Umlari boshdan oyoq kurashdir –
Vatan uchun, millat uchun, xalq uchun.

Ma'rifatdan najot izla, ista kom,
O'qigan har bir kitobing bir ustun,
Bir qo'rg'ondir, mustahkam bir istehkom –
Vatan uchun, millat uchun, xalq uchun.

Davr sendan shiddat kutar, jadal qil,
Yosh joningga shuncha tahdid, xavf uchun,
Umringning har onin jangu jadal bil –
Vatan uchun, millat uchun, xalq uchun.

Shu millatning ko'rki sensan, naqshi sen,
Jism-u joning safarbar et, qalq butun.
Yovuzlikka o'zing turgil qarshi sen –
Vatan uchun, millat uchun, xalq uchun.

Elning sha'n-u shavkati ham ziyosi
So'nmas aslo to bor ekan bu ochun.
To uyg'oqdir har bir ko'zi qarosi –
Vatan uchun, millat uchun, xalq uchun!

УЎК 821.512.133-1
КБК 84(5Ў)-5
С 22

С 22 Сайид, Сирожиддин
Армия ва тарбия [Матн]: шеърлар / Сирожиддин
Сайид. – Тошкент: “O‘zbekiston” нашриёти, 2025. – 32 б.
ISBN 978-9910-8051-9-6

УЎК 821.512.133-1
КБК 84(5Ў)-5

ISBN 978-9910-8051-9-6
© Сирожиддин Сайид, 2025
© “O‘zbekiston” нашриёти, 2025

Мухаррир *Муҳиддин Омон*
Бадий муҳаррир *Бобур Тўхтаров*
Техник муҳаррир *Елена Толочко*
Мусахҳих *Муниса Исмоилова*
Саҳифаловчи *Исломжон Азаматов*

Тасдиқнома № 4642. 22.07.2020.
Босишга 2025 йил 21 майда рухсат этилди. Бичими 70x100 $\frac{1}{32}$.
Офсет коғоз. “Times New Roman” гарнитурасида офсет усулида босилди.
Шартли босма табоғи 1,29. Нашр табоғи 1,84. Адади 50 000 нусха.
Шартнома № 25-042. Буюртма № ____.

Оригинал макет Ўзбекистон Республикаси Президенти Администрацияси
хузуридаги Ахборот ва оммавий коммуникациялар агентлигининг
“O‘zbekiston” нашриётида тайёрланди.
100011, Тошкент, Навоий кўчаси, 30.
Телефон: (71) 244-34-38.

“KolorPak” МЧЖ босмахонасида чоп этилди.
100206, Тошкент, Юнусобод тумани, Янгишаҳар кўчаси, 1-А









